



RAWATI NI LAISENI NI DRAIVA NA IDUSIDUSI VEI IRA NA KAI PASIFIKA KEI NA TIMOR-LESTE ERA CAKACA E OSITERELIA

E dodonu me dua nomu laiseni vakadonui mo draiva e Ositereli. E cala vakalawa ke dua e draiva qai sega ni vakailaiseni.

Na sala mo rawata kina na nomu laiseni ni draiva e Ositerelia ena vakatau ena vanua o vakaitikotiko kina – e duidui na sala me rawati kina na laiseni ena veiyasana. Mo raica na vanua o rawa ni rawata kina nomu laiseni ni draiva ena kato e ra qo.

Koroturaga kei Ositerelia (ACT)	Veitosoyaki – Veilakoyaki e Canberra: https://www.accesscanberra.act.gov.au/driving-transport-and-parking/licences (na ivakarau ni kena rawati nomu laiseni ni draiva e ACT e duidui mai na veivanua tale eso)
New South Wales	Veiqaravi e NSW: https://www.service.nsw.gov.au/guide/getting-a-nsw-driver-licence
Northern Territory	Tabacakacaka ni Veitosoyaki: https://nt.gov.au/driving
Kuinisiladi	Tabacakacaka ni Veitosoyaki kei na Veigaunisala: https://www.tmr.qld.gov.au/
Ceva kei Ositerelia	Tabana ni Veivakavaletaki kei na Veitosoyaki: https://www.mylicence.sa.gov.au/
Tasmania	Tabacakacaka ni Torocake ni Matanitu: https://www.stategrowth.tas.gov.au/
Victoria	VicRoads: https://www.vicroads.vic.gov.au/
Ra kei Ositerelia	Tabacakacaka ni Veitosoyaki: https://www.transport.wa.gov.au/



Ena veivanua kece e Ositerelia, e tabu vakalawa mo draiva ni o mateni ena wainimate ni veivakamatenitaki se alakaolo. Ni o draiva ni o mateni tu o na rawa ni vakaleqai iko kina kei na so tale.



Se tiko ga eso nomu taro? Mo nanuma tiko ni rawa ni o veitalanoa kei na iliuliu ni nomu timi, itaukei ni nomu cakacaka, se o rawa ni qirita na talevoni ni veiqaravi ni PALM ena: 1800 51 51 31.

TATAQOMAKI E GAUNISALA

Ni o draiva tiko e Ositerelia, mo na vakadeitaka ni o kila vinaka na ka o cakava qai qaqarauni e gaunisala. E bibi mo kila vakavinaka na lawa ni gaunisala, ena rairai duidui kei na ka e dau caka ena nomu vanua (me vaka na draiva ena yasana imawi ni gaunisala). E duidui tale ga na lawa ena dui yasana kei Ositerelia, mo vulica gona vakavinaka na lawa ena vanua o vakaitikotiko kina. Ke laurai ni o beca na lawa ni gaunisala, ena rairai vinakati mo sauma e dua na itotogi. Ke bibi sara na ituvaki, e rawa ni kau laivi nomu laiseni qai rawa ni o vesu.

Ni o vodo ena dua na lori e dodonu mo:

- mo vakadeitaka rawa mada e liu ni o rawa ni draiva
- mo tuvanaka rawa na nomu ilakolako mo kila kina na vanua o lako tiko kina
- mo vakadeitaka ni o sega ni oca se wawale sivia—mo dau kele tale ga qai vakacegu ke o draiva vakabalavu
- mo kila taumada na osooso ni gaunisala o muria kei na veisau na ituvaki ni gaunisala
- ke o kila ni o na gunu tiko, mo tuvanaka rawa nomu veitosoyaki mo kua kina ni gunu alakaolo qai draiva.

Ni o draiva e dodonu mo:

- dara nomu beleti (draiva kei pasidia)
- kua ni sivia na yalayala ni siviti e gaunisala
- kua ni text se vosa ena nomu talevoni
- muria na lawa e gaunisala, muria na saini ni gaunisala kei na maka ni laini e gaunisala
- rai dei e gaunisala ni o draiva – mo kua ni vakaweilei ena dua na ka
- mo draiva vakavinaka e gaunisala kei ira na vo ni draiva
- mo draiva vakamalua ena gaunisala e caka tiko, koronivuli kei na nomu takoso ena gaunisala ni sitimanivanua.

